

DITLHAGIŠO

♪ Mmogo le mabopaki a le go amogela ga kgaetšedi wa rena yo a sepetšego, ke tla rata go tlogela mantšu a, gape. Go tsebana ga ka la mathomo le lapa la Bell e be e le monnamogatša wa gagwe, Jimmy, yo e bego e le mogwera wa hlogo ya kgomo go tate wa ka yo a ilego pele. Gomme morago go tleng ga mengwaga, ka ba modiredi gomme ke be ke tsebana le Kgaetšedi Bell, le go mo tseba bjalo ka Mokriste wa go ineela ka kgonthe. Bohle re tla mo hlologela, mogohle. Go bonolo kudu go bolela mantšu godimo ga yo mongwe ka mokgwa wo, gobane ga wa swanelo go gogela morago e ka ba eng. O be a le seo se bego se nyakega go ba Mokriste.

² Ge ke kwele kgaetšedi a opela, dinakwana di se kae tša go feta, e no nkeletša kudu ka moopelo wa gagwe, bjalo ka ge re mo tseba tikologong fa. O be a rata go opela. Ke thabile kudu gore se se dirilwe, ka gore ka therešo se dirile ka fao Kgaetsedi Bell a bego a ikwela. O ka be a ratile go itlhagiša yenamong ka tsela yeo. Thapelo ya ka, le thapelo ya tlhokofalo ke, gore bohle re tla tla bofelong bja tsela ka bopaki boka a bile.

³ Ke rata go bala a mangwe go tšwa Lengwalong mo, feela karolo. Ke ikwela gore o be a le morati yo mogolo bjalo wa Lentšu la Modimo, gomme Lentšu la Gagwe le Gosafelego kudu. Gomme ke naganne ke tla bala karolo ya tema ya 14 ya—ya Jobo.

Motho yo a tswetšwego ke mosadi ke wa matšatši a se makae, gomme o tletše ka bothata.

O hloga bjalo ka letšoba, gomme o ripelwa fase: o kitima bjalo ka moriti, gomme ga a tie.

...a o bula mahlo a gago godimo ga yo mobjalo, gomme wa ntliša ka kahlolong le wena?

Ke mang a ka tlišago selo sa go hlweka go tšwa go sa ditšhila? ga go le o tee.

Go boneng matšatši a gagwe a beilwe, palo ya dikgwedi tša gagwe e ne wena, wena o beetše yena mellwane yeo a ka se kgonego go e feta;

Retologa go tloga go yena, gore a tle a khutše, go fihla a phethagaditše, bjalo ka mothwalwa, letšatši la gagwe.

Ka gore go ne kholofelo go mohlare, ge o ripelwa fase, gore o tla runya gape, le gore makala a boleta a wona a ka se kgaotše.

Le ge modu wa wona o phaphasela ka lefaseng, gomme kutu ya wona e hwela ka mobung;

Efela ka monkgo wa meetse o tla khukhuša, le go tliša pele... boka semela.

Eupša motho o a hwa, gomme o a senyega: ee,... o neela moya, gomme o kae?

Bjalo ka meetse a palelwa go tšwa lewatleng, gomme mafula a bola le go oma godimo:

Kafao motho o robala fase, gomme ga a tsoge: go fihla magodimo a se sa le gona, ba ka se phafoge, goba go tsoga go tšwa borokong bja bona.

O gore wena o tla nkuta ka lebitleng, gore wena o tla fa nna se sephiri, go fihla matšatši a bogale bja gago a fetile,...

Ge motho a ehwa, a o tla phela gape? matšatši ohle a nako ya ka ye e beilwego ke tla leta, go fihla phetogo ya ka e etla. Ke...

Wena o tla bitša,... Ke tla go araba: wena o tla ba le tlhologelo go dira mošomo wa seatla sa gago.

Ka gore bjale o gopotše dikgato tša ka:... wena o šeditše godimo ga sebe sa ka?

⁴ Go bala go tšwa go Lentšu la ka Gosafelego, ke tla rata gore re nagane godimo feela lentšu le tee dinakwana di se kae, gomme lentšu leo ke: *Ditlhagišo*.

⁵ Go na le bontši bja bophelo bjoo bo lego ditlhagišo. Gomme ga go yo motee a phelago lefaseng eupša yo nako ye nngwe ka bophelong bja gagwe o swanetše go ema le go nagana ka moo a tšwago gona, morero wa gagwe ke eng fa, le moo a yago morago ga fa. Yo mongwe le yo mongwe o a rata, o tla rata go lebelela mošola wa garetene.

⁶ Go baleng mo go tšwa go Puku ya kgalekgale ka Beibeleng, Jobo, mopatriaka yo, o be a leka go hwetša sona selo se. Gomme o be a neela go phopholetša go morethetho wa gagwe ka Modimo, a hlagiša gore O be a le bo-bo bophelo ka morago ga lehu.

⁷ Dinako tše dingwe re ikwela gore, ge re lebantšwe serokaphatla ke se sengwe sa go swana le se, gore ye ke yohle. Eupša ga se yona. Ke phetogo. Ke... kgato godingwana. E go feta go tloga bophelong bjo botee go ya ka go bjo bongwe.

⁸ Gomme Jobo, moprofeta, ge a be a nagana ka dilo tše, o e lemogile ka go dimela, bophelo bja semela, bophelo bja mohlare. Kafao o be a hlokometše gore, ka fao gore Modimo o swanetše go ba ka tlholong ya Gagwe; gore ge A dirile tlholo, gona O swanetše go phela ka tlholong, gobane O e dirile ka morero, go Yenamong go phela ka go yona, boka ntlo yeo motho a tla e agago. Maphele a mannyane a ao a lego ka go tlholo yohle ya Modimo a laolwa ke Modiri wa yona. Gomme o be a nagana, gore, ge ledimo le tlie kgauswi gomme le ka thenkgolla mohlare wo maatla, efela, bjoo

e be e se bofelo bja mohlare wola. O tla phela gape. Ge mohlare o hwile, o tla phela.

⁹ Gomme makga a mantši, ge re gakanegile, ge re ka no lebelela go re dikologa, le ka kgona go bona Modimo mogohle. Bjale re tla Mo tšea, go swana le ka mohlareng, ge mohlare o beilwe mo.

¹⁰ Gomme se sengwe le se sengwe se mo go direla morero, feela bjalo ka ge re le mo go direla morero, feela bjalo ka ge kgaetšedi wa rena a be a le fa go hlankela morero. Rena bohole re mo bakeng sa morero wa Modimo, ge re ka kgona go hwetša se morero woo o lego ona gomme morago ra o direla gabotse. Fao, ka nnete, ge Modimo a tshwenyega go lekanelka tsogo ya bophelo bja dimela, O tshwenyega go lekanelka tsogo bakeng sa bophelo bja motho.

¹¹ Kafao Jobo o lemogile, mopatriaka, gore—gore mohlare, ge o hwile, o phetše gape. Gomme ka fao selemo le marega di fetotšego go beng ga tšona, gomme letšatši le lengwe le le lengwe fale go tlogile bopaki. O hlokometše ge mo—mo mohlare o be o phela nakong ya selemo, gomme go bonala eke ka nako ya marega o hwile, matlakala ao a lekeletšego mohlareng.

¹² Bjale, re rutilwe ka Lengwalong, gore, go na le Mohlare wa Bophelo. O be o le ka serapeng sa Edene. Gomme Mohlare wo wa Bophelo ke moo Bakriste ba lekelelago, bjalo ka letlakala go Mohlare wo.

¹³ Gomme bjale ka nako ya marega, ge matlakala e le a mabotse, gobaneng, a... Goba, nakong ya selemo, a ke re, ge matlakala e le a mabotse le a matala, morago ga lebakana lehlwa le a tla le go a dira mmala mebala ya go fapano, gomme a wa go tloga mohlareng. Gomme bophelo bo ya morago ka modung wa mohlare. Ge re ka no hlokomela, ke selo sa sephiri.

¹⁴ Mo nako ye nngwe ya go feta, ke be ke lebantswe serokaphatla, go bolela le monna yo a tleleimago go ba moganamodimo, mosedumele. Gomme re be re eme kgauswi le mohlare wa moapola wo o bego o le wa gagwe. Gomme ke mmotšišitše ka fao mohlare o bego o le bogolo, gomme o mpoditše mengwaga ye mentši kudu, le ke diroto tše kae tša diapola o di tšweleditšego ngwaga wo mongwe le wo mongwe. Gomme se se bile ka go karolo ya pele ya Agostose, gomme ke tsebile, ke hlokometše diapola di be di šetše di ewa, gomme matlakala a be a fetoga tsouthwa. Gomme ke rile go yena, “Ke tla rata go go botšiša potšišo.” Ke rile, “Gobaneng matlakala ale a fetoga tsouthwa le go wa go tšwa mohlareng pele lehlwa le lengwe le a betha?”

¹⁵ “Gabotse,” o rile, “ke marega a etla pele. Gomme lebaka leo a fetogago tsouthwa ke ka gobane bophelo bo tlogetše letlakala.”

Ke rile, “Bophelo bo ile kae?”

¹⁶ Gomme o rile go nna, “Morago modung wa mohlare, moo bo tšwago gona.”

Gomme ke rile, "A seo ke mafelelo a letlakala?"

¹⁷ O rile, "Aowa. Bophelo bjola bo tla bowa seruthwane se se latelago gape, ka letlakala le leswa." Ga se a ke a e hlokomela pele.

¹⁸ Ke rile, "Gona, ke a rapela o mpotše, mohlomphegi, ke Bohlale bofe bo tšeago letlakala go tloga mohlareng ebole le pele ga boso bja go tonya, gomme bo romela bophelo bja wona morago tlase ka mobung, bakeng sa polojango, go fihla go tleng pele ga sehla se sengwe. O ka kgona go bea meetse ka paketeng gomme wa a bea koteng, a ka se tsoge a fetoga ka sehla. Kafao go bontšha gore go na le Modimo Yo a tsebago bophelo."

¹⁹ Gomme rena ba re tteleimago go ba Bakriste, bao re tswetšwego ke Moya wa Modimo, re bile, ka mogau wa Modimo, re khudušitšwe go tšwa mohlareng wa lehu go ya mohlareng wa Bophelo. Gomme ge le lengwe la matlakala le hlohlorega, boka ke kwele bopaki bjola go tšwa... kereke ye ya go makatša, go kereke ya Gilt Edge Baptist, moo bontši bja bagwera ba ka ba bohlokwa ba lego maloko, moo le lengwe la matlakala a yona le hlohloregilego. Re a tseba gore bophelo bjola bo boetše morago go Modimo Yo a bo filego bakeng sa morero tsoko, feela go tla gape ka tsogong ya kakaretšo; go se tsoge bja wa gape, ka Mileniamong. Nako ye kgolo e a tla.

²⁰ Jobo o be a lemogile dilo tše. Morago o hlokometše ka go bophelo bja letšatši.

²¹ Ge le ka hlokomela, mosong, letšatši le tla godimo, ke lesea. Mahlasedi a lona a a fokola. Morago le tla ka go mengwaga ya lona ya mahlalagadi, e ka ba ka iri ya senyane goba ya lesome. Morago ka nako ya sekgalela, bogare bja letšatši, le ka maatleng a lona. Morago le thoma go wa, gomme mafelelong le dikela gape ka Bodikela, bjalo ka ge le ehwa bakeng sa mosegare. A re ka bitša seo bofelo bja letšatši? Aowa. Mosong wo o latelago, le tla morago godimo gape, go tliša letšatši le leswa go rena.

²² Bjale, ke eng se? Ke tlhagišo ya Modimo. Gomme lentšu *tlhagišo* le ra "go dira maikutlo a tsebjie." Ke tlhagišo ya Modimo... go hlagiša go rena, go re dira re tsebe maikutlo a Gagwe bakeng sa rena, gore lehu ga le re aroganye ka Gosafelego. Re tla tsoga gape, ra bowa morago gape.

²³ Nako le nako ge peu e ehwa ka lefaseng, ka go weng ga ngwaga, feela boka matšoba a, tšona, dipeu tše nnyane di wela ntšle ga tšona ge lehlwa le di ratha, gomme peu e theogela fase mobung. Gomme go se tlwaelege ka mo go ka bonalago, efela ke therešo, Modimo ke mohlokamagomo kudu gore Yena ga a hlokonomologe e ka ba eng. O na le molokoloko wa poloko bakeng sa letšoba la Gagwe. Ka morago ga ge lehlwa le a ratha, morago go tla dipula tša marega, le dikeledi tše kgolo bogolo, tša pula, e rotha go tšwa legodimong, gomme e boloka peu yela ya matšoba, e phaphatha godimo ga yona, gomme mohlomongwe e ya intšhi

goba tše pedi ka tlase ga lefase. Ka gona diphefo tša go tonya tša marega di thoma go swiela, gomme—gomme dipetale tše nnyane di ile, gomme lehlaka le ile, gomme setlang se a gatsela le go oma. Gomme peu ye nnyane e a gatsela, gomme setlang se kitimela ka ntle ga yona. Gomme, gobaneng, ka nako ya seruthwana, o ka se hwetše e ka ba eng e šetšego ya sona.

²⁴ Eupša a ke mafelelo a letšoba? Le gatee. Le beilwe mo ka morero. Gomme ge le dirile morero wa lona gabotse, gona Modimo o re dira re tsebe, ka letšoba, tlhagišo ya Gagwe go renā.

²⁵ Feela ka kgonthē bjalo ka ge letšatši le batamela gannyane kgauswi le lefase, go tliša mahlasedi a boruthwana, o be o ka se kgone go uta bophelo bjola e ka ba kae. O be o kgona go bo khupetša godimo ka leswika. A le kile la lemoga ge le bea khonkhoriti ya lena ka go nako ya marega, bjang bjo bokotokoto bo kae ka seruthwana? Thwi go dikologa magomo a khonkhoriti. Gobaneng e le? Ke bophelo bjola bo lego ka tlase ga leswika. Ge letšatši le thoma go hlapiša lefase, o ka se kgone go swara bophelo. Bo tla hwetša tsela ya bjona ntle go tšwa ka tlase ga khonkhoriti le go hloma hlogo ya bjona ye nnyane godimo, go tumiša Modimo, gobane letšatši ke tsogo. L-e-t-š-a-t-š-i ke tsogo ya bophelo bjhohle bja dimela. O ka se kgone go bo uta ge feela letšatši le hlaba.

²⁶ M-o-r-w-a o bonala a le, makga a mantši, kgolekgole. Eupša ge A thoma go phadima, “Letšatši la toko le tla hlaba ka phodišo diphegong tša Gagwe.” Gomme bophelo bjo bongwe le bjo bongwe, ga go kgathale moo bo bolokilwego, botebo gakaakang, bkgole bjo bokae ka meetseng, goba ka go mašabasaba, ka go maswika, bo tla tsoga go letago la Modimo.

²⁷ Ka gobane, Modimo o hlagiša go renā, a re bontšha feela se A se dirago. Morero wa Gagwe ke go re laetša, ka matšoba, ka letšatši, ka mehlare, ka bophelo bjhohle, gore Yena ke tsogo le Bophelo. Modimo o tsoša Bophelo bja Gagwe ge bo direla morero wa Gagwe.

²⁸ Gomme ge letšoba le direla morero wa lona, gomme Modimo o na le tsogo ya letšoba, ke bontši gakaakang go kgaetšedi wa renā yo a hlankelago morero wa gagwe bophelong. Modimo o ne tsogo bakeng sa bale bao ba hlankelago morero wa bona. Re ka hwetša morero wa renā gomme morago ra ba hlankela.

²⁹ Matšoba a mannyane a, le ka botšiša ka ona. A fa, morago ga sekgaleta se, go hlankela morero. Seo ke se matšoba a, Modimo a bilego le ona bakeng sa ona, go hlankela morero. Pele le pele e ka ya.

³⁰ Ge le ka hlokomela, matšoba a ga se mmala wa go swana ohle wa matšoba. A fapanā ka mmala, go bontšha gore Modimo ke Modimo wa tša go fapafapanā. O rata mebala ya go fapanā. Go e hlakanya mmogo go dira ngatana ya matšoba ao A a ratago. Modimo, Modimo wa tša go fapafapanā. O na le matšoba

a Gagwe a mašweu. O na le matšoba a Gagwe a mahubedu. Gomme a Gagwe, mebala yohle ya matšoba, le go a bea mmogo go hlankela morero wa Gagwe.

³¹ O na le dithaba tše kgolo, le dithaba tše nnyane, le molala. O na le maganata. O na le lewatle. O na le mohlare wa moouko, mohlare wa mopalema. Se sengwe le se sengwe se hlakanelia mmogo ka lefelong la sona, moo, Modimo, Modimo wa tlhago yohle a ka phelago le go ipshina ka sephedi sa Gagwe, bjalo ka go phela ka go dibopiwa tša Gagwe mo nakong, tše di dirago morero wa Gagwe.

³² Ge A nagana go lekanelia go tsoša yeo, le go dira tsela ya go phonyokga bakeng sa seo, bakeng sa tirelo ka moso gape, ke bontši gakaakang Yena ka batho, go sa kgathale ke rena bomang, morafe ofe, mmala, thutotumelo, goba eng gape, bao ba kgonago go dula mmogo ka kopanong ya Bogona bija Modimo le tšhegofatšo ya Gagwe. Go tla ba le tsogo, letšatsi le lengwe, feelsa ka kgonthe bjalo ka ge go na le tsogo bakeng sa letšoba. Bohle re bona seo. Bohle re dumela seo. Bohle re a tseba gore dilo ke tlhagišo yohle. Di a paka, di a re botša, go dira, go tseba maikutlo ao Modimo a nyakago re a tseba.

³³ Batho ba ba rometšego matšoba a, bagwera ba kgaetšedi wa rena ba ba rometšego matšoba a, gape ba dira go tsebjia go lapa, go hlagiša go bona gore maikutlo a bona a kwelobohloko ya mogwera, ya kgaetšedi, goba—goba moratwa yo motee. Ba leka go hlagiša. Ke tlhagišo, go dira go tsebjia, go kwalakwatša se sengwe.

³⁴ Dilo tše tšohle re ka kgonago go bolela ka tšona, lebaka la diiri, ditlhagišo tša Modimo go moloko wa motho, tšohle tše di na le karolo ya tšona, gomme di e bapala gabotse. Letšoba le lengwe le le lengwe, mohlare wo mongwe le wo mongwe, go hlabatša go gongwe le go gongwe, se sengwe le se sengwe se bapala karolo ya sona gabotse. Eupša ditlhagišo tšohle tšela tša Modimo, go dira go tsebjia go rena, le go re fa mohlala, gore O be a eya go dira tlhagišo ye kgolo letšatsi le lengwe, tlhagišo ya ka Gosafelego.

³⁵ Ka gona O re rometše seswantšho sa Gagwe se se hlagišitšwego, ka sebopego sa Morwa wa Gagwe. Modimo o rometše Morwa wa Gagwe, ka seswantšho se se hlagišitšwego sa Yenamong, go bega go moloko wa motho se A bego a se gopolia ka rena. O fetotše leemo la Gagwe. O bile motho. O bile yo mongwe wa rena.

³⁶ Go tšwa go Modimo, Tate wa ka Gosafelego, go tloga go Mohlodi yo mogolo Yoo, pele ga ge fao go eba lefase, a bego a tletše sekgala sohle, nako. Go be ebile go se—se metara goba seetša sa metara, ebile go be go se athomo goba molekule, O be a sa le Modimo. Gomme ka mehla O tla ba Modimo. Eupša yo mogolo Yena Yo... Ge o ka kgona go lebelela godimo bošego le

go bona dinaledi tshepedišong ya letšatši. Mengwaga ye mengwe ya go feta, ke bile le monyetla go lebelela ka sekoupo se segolo se, gomme moo ba tteleimago o ka kgona go bona mengwaga ya seetša ye dimilione tše lekgolo masomepedi, dimetara tša seetša. Gomme ka godimo ga fao go sa le dikgwedi le dinaledi le mafase, tše A di laolago.

³⁷ Gomme ka gona O be a tshwenyega kudu go lekanelo go dira tlhagišo go rena, go tseba gore O be a le yo mogolo kudu. Efela, O tlile fase ka sebopego sa motho, go hlagiša se A bego a le sona. O bile Monna wa bohloko, wa go nyalana le manyami. O phetše bophelo bja motho. O be a se na lefelo la go latša hlogo ya Gagwe. O be a hlagiša se Le, se Modimo a bego a le sona. O fodišitše malwetši a rena ge re be re babja. O tsošitše bahu, go bontšha gore O be a le seswantšho sa Modimo se se hlagišitšwego. O beile polane fase bakeng sa rena bohole, gore moo le rena re ka kgonago go lebelela tlhagišo ye nnyane ye gomme re bone Modimo. Ka gona re kgonne go lebelela godimo le go bona tlhagišo ye kgolo ya Modimo, le go ba le netefatšo, gona, gore ge diiri tše di etla, bjo ga se bofelo bja bjona.

³⁸ Ke rata tlhagišo yeo kgaetšedi wa rena, ka go opela, a boletšego dinakwana di se kae tša go feta, “Yo ke kgaetšedi wa ka. Nka se kgone go e opela ka tsela ye ntle le ge a tsebile moo a bego a le gona.” Le a bona?

³⁹ Go na le tsela ye re tsebago mo re yago, ka gore seswantšho se se hlagišitšwego sa Modimo se beile polane ye fase. Gomme, O rile, mang kapa mang a ka amogelago polane ye o tla ba le Bophelo bjo Bosafelego. Johane 5:24 e rile, “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo bosafelego, gomme a ka se tle Kahlolong; eupša o fetile go tloga lehung go ya Bophelong.”

⁴⁰ Tlhagišo ye kgolokgolo go bohole e bile Jesu Kriste, Yo a re diretšego tsela. O phethagaditše le go hlatsela ditlhagišo tšohle tše matšoba a, le bophelo bja dimela, le go ya pele, le letšatši, le tshepedišo ya letšatši, e hlatseditše pele ga go Tla ga Gagwe, gore go be go etla Yena Moloki yo a tla re dirago go E dumela ntle le go šišinyega, gobane O be a tla ba seswantšho sa Modimo se se hlagišitšwego. Gomme ge A tlile, le go dira se A se dirilego, O netefaditše gore ditlhagišo tše di be di lokile. O file bohlatse go tsona. Gobane, ge letšoba le tsoga gape, mohlare o tsoga gape, letšatši le hlaba gape, Mokriste o tla tsoga gape. E swanetše. Ka baka la gore, Modimo, ka seswantšho se se hlagišitšwego sa motho, goba motho ka seswantšho se se hlagišitšwego sa Modimo, o e netefaditše ka tsogo ya Gagwe.

⁴¹ Ka gona, ka kua, ge moprofeta a bone dilo tše di direga; Jobo, ge a bone bophelo bjohole bja dimela, le go ya pele. Gona, rena ba re tlwaelanego le Beibele re a e tseba. A dutše godimo ga mokgobo wo wa melora, ka tlalelong, bothata bo mo rathile.

Maloko a kereke ya gagwe ba mmoditše gore o be . . . a dirile sebe sephiring.

⁴² Nako ye ntši go boletšwe, gore, “Motho o hwa pele ga nako, goba se sengwe, seo se ka no ba sebe tsoko ba se dirilego. Ba dirile se sengwe sa phošo.” E sego . . . Yeo ga se taba go Mokriste.

⁴³ Ge a bone ye kgolo ye, ya mafelelo tlhagišo, Modimo o dira go tseba polane ya Gagwe ka Jesu Kriste, o llile ka lentšu. Ge magadima a bekenya gomme medumo ya rora, o rile, “Ke a tseba Molopolodi wa ka o a phela, gomme mo matšatšing a mafelelo O tla ema godimo ga lefase. Gomme le ge ka morago ga ge seboko sa letlalo se sentše mmele wa ka, efela ka nameng ya ka ke tla bona Modimo, Yo ke tla mmonago nnamong.” O bone tlhagišo yela ya mafelelo, makgolo a mantši a mengwaga pele. Eupša, ka go ba mprofeta, ka ponong o bone go tla ga tlhagišo ye kgolo ya Modimo.

⁴⁴ Okgonne go lebelela fase le go bona tsogo ya dipeu. Okgonne go bona tsogo ya mehlare. Gomme tsogo ya letšatši, morago ga ge le diretše nako ya lona, le go tsoga gape; go derela bakeng sa letšatši, le tsogile bakeng sa letšatši le lengwe. Matšoba bakeng sa tirelo e tee ya poloko, a hwa, le go tsoga bakeng sa tirelo ya poloko ye nngwe. Se sengwe le se sengwe se hlankela morero wa sona. Ka gona o bone, bokgole, go Tla ga Yena Moloki yola, gomme a goeleta, “Ke a tseba Molopolodi wa ka o a phela.”

⁴⁵ “Nama ya ka e tla khutša ka kholofelo,” go boletše Dafida, “gobane A ka se tlogele Yena Mokgethwa wa Gagwe go bona go bola; ebile A ka se tlogele soulo ya Gagwe heleng.” O bone letšatši lela, tlhagišo yela ya go phethagala ya Modimo, se A bego a eya go se dira; go dira go tsebja, go motho, gore lehu ga se bofelo bja tsela.

⁴⁶ Bjo ga se bofelo. Bjo ke mathomo. Ke bofelo bja manyami. Ke bofelo bja nako ya sephetho. Eupša ke mathomo a nako ya thabo le moputso. Ga se bofelo bja se sengwe le se sengwe. E no ba bofelo bja di-di dilo tša go hwa, go thoma selo sa go se hwe. O ile khutšong ya gagwe. Modimo khutšiša soulo ya gagwe.

⁴⁷ Bjale, o gooleditše tlhagišo ye kgolo ye, gobane o bone se se bego se eya go direga.

⁴⁸ Bjale a re tleng go mafetšo a. Re kgobokane fa lehono, go—go hlagiša, goba go dira go tsebja maikutlo a rena ka ga moagišani, ka kgaetšedi, ka mosadimogatša, ka mme. Ke ka lebaka leo re kgobokanego morago ga sekgleleng se; go dira go tsebja, go hlagiša maikutlo a rena, tahlegelo ya rena. Ke ka baka leo re lego mo, go dira se. Tate o swanetše go hlagiša tahlegelo ya mosadimogatša; bana, mme; moagišani, goba kgaetšedi.

⁴⁹ Rena badiredi. Bjalo ka ge ke ba kwele, tlase go kgabola moago, go fa tšela tša go makatša, tša letago, ditshwayo tša go homotša, go otlologa, seo kgaetšedi a bego a se ra go bona, le ka phuthegong ya bona. Rena badiredi re a tla, morago ga sekglelala

se. Nnete, ka dipelong tša rena, re ikwela go nyama, le rena. Eupša re tlie go dira go tsebje tlhagišo ya Modimo, le rena, Therešo ya Gagwe ka taba ye yohle. Re tlie go hlagiša se Modimo a se bolelago ka yona, go homotša dipelo tša batho; go ba dira ba tsebe, thata bjalo ka ge letšhogo le ka ba, efela ke peakanyo ya Ramaatlakamoka Modimo go e dira ka tsela ye, gomme ke polane ya Gagwe. Gomme bjo ga se bofelo. Bjo ke mathomo a bophelo bjo boswa.

⁵⁰ Ka gona rena ba Modimo a ba rutago ka go Lentšu la Gagwe, ka dilo tše, re tla go fa tlhagišo ya rena. Gomme ke thabile bjang godimo ga se morago ga sekgalela se, gore bohle re kgone go hlagiša selo sa go swana go Lentšu la Modimo, gobane o Le phethagaditše.

⁵¹ Kgaetšedi Bell, bjalo ka ge re mo tsebile fa tabarenekeleng, wa go ratega, mokgethwafatšwa, mosadi wa Mokriste, o ile a dira ditlhagišo tša gagwe, le yena. O ile a tsebiša maikutlo a gagwe ka Modimo. Bjalo ka ge ke kwele tša bophelo di balwa, lebakana la go feta, ebile pele Ngwanešu Jim a mo nyala, ke a nagana, tlase ka Tennessee, o dirile sephetho sa gagwe. O dirile tlhagišo ya gagwe. Kafao, ke mabopaki. Gomme bokgole bjo ke tsebago, go tloga letšatši leo ge e sa le, ga se a tsoge a tlogela go dira tlhagišo yeo. Mohlomongwe, lehono, bjalo ka godimo ga mekgoba ya Legodimo, felotsoko mošola ka go dikgao tša Gosafelego tša Letago, a sepela mekgotha ya Modimo, a sa e hlagiša. Ka godimo ga meriti ye ya sekgao sa go hwa, o sa e hlagiša.

⁵² Kgaetšedi Bell, bjalo ka ge re mo tseba, o be a sa lewe ke dihlong ka bopaki bja gagwe. Ga go nako e tee moo go bilego hlong e ka be efe ya bopaki bja gagwe. Ga go nako e tee moo a bego a no se rate go bolela se sengwe. O bo hlagišitše, gomme o be a sa lewe ke dihlong. Ka fao ke mmonego a eme morago kua ka diatla tša gagwe moyeng, gomme megokgo e kitima go theoga marama a gagwe. Go mmone a eme fa mo phuluphithing ye, le go opela dipina tše di tla dirago kereke ka moka go ya ka mogoeletšong, tša Naga, go ba kgole mošola ga mo. O be a sa lewe ke dihlong. O ile a fa tlhagišo ya gagwe mogohle. Moagišani yo mongwe le yo mongwe, kereke ye nngwe le ye nngwe, mogohle a bego a le moleleko, o itirile ka boyena go tsebja, a hlagiša se a bego a se gopolka Modimo. E be e le bophelo bja gagwe, tšohle tše a bego a kgona go ba tšona, o ile a hlagiša se a bego a le sona ka go Kriste Jesu, sebopiwa sa go tswalwa-leswa.

⁵³ O be a le mogwera wa go ratega go mme wa ka morategi wa kgale yo—yo a nameletšego magato a go swana, dibeke di se kae tša go feta. Lehono, ba mmogo.

⁵⁴ A selo sa go makatša e lego sona, go bona ditlhagišo, ka fao Modimo a dirago. Mangwalo a gagwe; Kgaetšedi Bell. Nako le nako ge ke etla gae, Billy, morwa wa ka, o tla ntlišetša sehlopha

sa mangwalo, dipitšo tša mogala, kgafetšakgafetša, go tšwa go Kgaetšedi Bell. "Rapelela yo motee *yo*. Rapelela *yola* yo motee." Seo, se be se dira eng? Go nna, bjo ke boitlhagišo bja gagwe, yena a dira go tsebjə se se bego se le ka gare ga gagwe; morwalo bakeng sa monna wa gabø, morwalo bakeng sa bana ba gagwe, morwalo bakeng sa yo mongwe le yo mongwe *yoo* a bego a le tikologong, le motho yo mongwe le yo mongwe a babjago.

⁵⁵ Kgaetšedi Bell o nyakile go phela ka mogau wa Modimo, mengwaga e se mekae ya go feta. O be a le modumedi wa go botega ka maatleng a phodišo a Modimo. Gomme go diregile bjalo bošego bjo bongwe . . . ga se nke ka ke bophelong bja ka ka mo rapelela, gomme ka rapela le mokgethwā yola wa kgale morategi, go fihla, ntle le ge Modimo a mo fodišitše.

⁵⁶ Gomme bošego bjo bongwe, ge ke be ke bitšwa, ke sa tšwa go ya ka gare go tšwa Arizona, e ka ba tikologong ya bošegogare. Ba leleditše morwa wa ka gomme ba rile, "Kgaetšedi Shepherd, mogwera wa Kgaetšedi Bell, o nyaka o mo rapelele. O ka sepetlele." Ke e kwešišitše go ba Kgaetšedi Shepherd; mohumagadi tsoko, mohlomongwe ka moagong bjale, ka leina la Sheperd, yo a mo tsebilego. Ke naganne o be a le ka sepetlele.

⁵⁷ Mosong wa go latela ba leditše morago, e ka ba lesometee se sengwe, gomme ba rile, "Ga se Kgaetšedi Shepherd. Ke Kgaetšedi Bell, ka boyena, o ka sepetlele." Gomme go bona gore, tshireletšo le polane ye bohlale ya Modimo. Pele a be a ka tsoge a fihla kua, Kgaetšedi Bell o be a šetše a nametše Materapo a gauta. Pele nka fihla fale, Modimo o be a futše rosa ya Gagwe ya mmala, go dira mokgobo wa matšoba a Gagwe bakeng sa Mileniamo. Pele nka tsoge ka fihla fale, o be a ile go kopana le Modimo. Tlhagišo ya Modimo ya lerato la Gagwe!

⁵⁸ Mengwaga ye yohle ya lenyalo la go thaba e be e le tlhagišo ya gagwe ya go botega bjalo ka mosadimogatša, go dira legae bakeng monnamogatša wa gagwe le bana ba gagwe. Seo se itlhagišitše sonamong go kgabola dinako tše thata, ge baisa ba bannyane go dikologa tafola, le go ya boima. Gomme, mme, go tšeaa mme go tseba mokgwa wa go bea dilo mmogo, go e dira ya mafelelo—ya mafelelo, ge melomo ye mennyanne e swerwe ke tlala e le go dikologa tafola. Eupša, go eme nokeng monnamogatša wa gagwe, wa go botega, go ema nokeng bana ba gagwe, e be e le tlhagišo ya botshepegi bja mmapale. Seo ke pele ga yo mongwe le yo mongwe wa lena. Nka se swanee go bolela seo. Le tseba seo go ba therešo. Le a bona? Ee, mohlomphegi.

⁵⁹ Gomme kgopelo ya gagwe ya go se tsoge ya palelwa bakeng sa bana ba gagwe! Ga ke dumele nkile ka kopana le yena, goba go mo tlogela, ntle le go kgopela kgopelo bakeng sa bana bale. Seo se laeditše bomme bja nnete, go tseba gore bophelo e no ba toro goba lefelo la tokisetšo. Bakeng sa bana ba gagwe, o be a nyaka go kopana le bona ka Nageng mošola mo, moo go bego go ka se sa

ba dinako tše boima. Kgafetšakgafetša o be a tla re go nna . . . O mpiditše Ngwanešu Billy. O be a tla re, “Ngwanešu Billy, rapelela bana ba ka, ga go le yo motee wa bona a tlago go lahlega.” Ge seo se sa hlagiše bomme bja kgonthe; mme yo a nago le kgahlego ka go bana ba gagwe, o na le kgahlego ka go baagišani ba gagwe, monnamogatša wa gagwe, moratwa wa gagwe! Ke Modimo ka go mosadi, a hlagiša dilo tša Gosafelego.

⁶⁰ Ka fao ke kwelago monnamogatša wa gagwe bohloko, mogwera wa ka yo mokaone. Ka fao ke kwelago bašemane bohloko, go kwa molaetša wa ba bangwe ba bona ka Jeremane le mafelong a go fapano, mme o ile. Eupša a ka no ba a tlogile bogoneng bja lena mo, bašemane, eupša ga se a—ga se a hwa. O a phela go ya go ile. O phela ka Nageng moo a rapetšego gore yo mongwe le yo mongwe wa lena o tla kopana le yena. Le se mo nyamišeng. Ke na le nnete a ka se ke.

⁶¹ Ke bona yo motee a bolela go tšwa lebilong leo, morago ga sekgalela se. Ke evelwa ge wa mathomo a boletše o tšerwe go tloga lapeng la ka. Ka o tee ka o tee, ba tla wa. E ka se be botelele kudu. Theetsang. Lebilo lela le ka kgonago go kopanywa mmogo gape, ka go Naga ye nngwe mo go sego mabilo a go robega, moo ekonomi ye kgolo ya Modimo e ka kgonago go fihlelela le go kgonago tokologa go kgabola mabaka. A nke go be ka tsela yeo, lapa. Ka mehla le bile le mme; bjale ebang le yena go ya go ile. Yeo ke nnete.

⁶² Selo se sengwe seo se hlagišitšego lerato la Modimo. Bjalo ka ge ke kwešiša, gore, kgopelo ya gagwe e be e le gore a ka se tsoge a tšofala gomme a dikadika mmogo, a swanelwa ka go dikadika le go rwalelwa mmogo ka boputswa, a golofetše le—le go babja, le go hwa ka diintšhi. Modimo o file kgopelo yeo. Yeo ke nnete. Gobaneng, feela maLamorena a mmalwa a go feta, o be a eme mo ka go ntlhorwana ya kereke, a opela Ebangedi ya letago ya Kriste.

⁶³ Ke eng se? Ke eng se sa mme, go bonagetše eke, mo pele ga nako, e ka ba bogolo bja mengwaga ye masometshela tlhano, a eya? Seo se ra eng? Ke Modimo a itlhagiša Yenamong, gore, “A ka se thibele selo se sebotse go bona bao ba tla sepelago gabotse pele ga Gagwe.” Modimo, a hlagiša ka go lona lehu la gagwe, ke Modimo a hlagišago rena, gore Yena ke Modimo, gomme O tla fa bao tlhologelo ya pelo ya Gagwe, pelo ya bona, ba ba tla sepelago gabotse pele ga Gagwe.

⁶⁴ Go boneng se, gore Yena ke Modimo, gomme bohle re swanetše go tla lefelong le, gona a re lebeleleng dika tša Gagwe tša ditlhagišo. Lerato la gagwe, Kereke ya Gagwe, batho ba Gagwe, le se sengwe le se sengwe seo e lego sona, ke ditlhagišo tšohle tša Modimo go rena. Gona ke nagana bohle re swanetše go inamiša dihlogo tša rena ka boikokobetšo le go leboga Modimo bakeng sa bophelo bjo gore, ka Kriste, o fentše le lehu ka bolona.

⁶⁵ Gomme ka gona Mantšu a Jesu ge A ile go morwedi wa Jairo, “Ga se a hwa, eupša o robetše.” O ile go boroko bja gagwe, gomme e sego lehung la gagwe. Ka gore o hwile mengwaga ye mentši ya go feta, bjalo ka mosetsana yo monnyane, gomme bjale o phela ka go Kriste; gomme o nno robala, go rena, eupša o tsogile le Kriste.

⁶⁶ A re inamišeng dihlogo tša rena gona le go fa ditebogo bakeng sa bophelo bjo bogale bjo.

⁶⁷ Tate wa Legodimong, ka nnete O tseba dipelo tša rena, ka nnete O tseba dikgopoloo ka monaganong wa rena. O tseba tšohle ka rena. Ke rena Tlholo ya seatla sa Gago. O a tseba re maswabi go bona Kgaetšedi Bell a tšerwe go rena. Eupša, Modimo, re kobile dihlogo tša rena le dipelo, ka tebogo gore kgopelo ya gagwe e filwe, le gore tlhologelo ya Gago bakeng sa gagwe e phethagaditšwe. Gore, ebile mo mafelelong a tsela, ge tša bophelo bja gagwe di ngwalwa ka bophelong bja yo mongwe le yo mongwe a kopanego le yena, gore o be a le mohlanka wa Gago. Botelele a nke khuetšo ya gagwe e phele ka dipeleng tša bohole ba ba mo tsebago. Modimo, re a rapela gore O tla khutšiša soulo ya gagwe ye bogale ka go Naga yela yeo a e ratilego, le go bolela le go opela yona, mengwaga yohle ye.

⁶⁸ Ke rapelela Jimmy, morago ga sekgalela se, Morena. Ge ke mmona a dutše fale, gomme o hlagiša dikgopoloo tša gagwe bjalo ka dikeledi tša go sekä di tokologa go theoga marama a gagwe. O nagana ka mosadimogatša wa go botega. Le ka bana ba bao, megokgo e kitimago go theoga marama a bona, ba nagana ka mme wa go ratega. Gomme re a rapela, Modimo, gore O tla ba šegofatša. Homotša dipelo tša bona. Obeletša ntle Seatla sela, seo ka godimo ga phihlelelo ya e ka ba eng gape, se se kgonago go ya pelong ya motho, le go ba fa kgotsofalo ye kgolo ye, gore letšatsi le lengwe re tla kopana gape, gomme re ka se tsoge ra ba le tirelo ye nngwe ya poloko Kua.

⁶⁹ Šegofatša baratwa ba gagwe, bana babo, dikgaetšedi tša gagwe, ditlogolo tša gagwe, le baagišani ba gagwe.

⁷⁰ Le dikereke tše, Morena, re tseba ka fao di mo ratilego. Ge a sepetše magareng ga rena, bona, o sepetše magareng ga bona. Gomme mmogo, le bona, Morena, re-re abelana maikutlo a magolo a, gore re be re mo rata. Gomme re mo go hlagiša ditebogo tša rena—tša rena—tša rena go Wena, bakeng sa bophelo bja gagwe.

⁷¹ Re kgoloke, Morena, gomme o re dire, gore rena, le rena, ge re etla bofelong bja tsela, re ke re be komana go kopana le Wena. Lebalela dibe tša rena tše ntši, O Modimo wa ka Gosafelego. Eba le kgaogelo godimo ga rena, Morena, ka gore re a fokola le go lapa.

⁷² Gomme ke a rapela gore O tla re fa khomotšo, morago ga sekgalela se. A nke re e hwetše ka mantšu a ao a hlagišitšwego go tšwa go Lentšu la Gago, ka badiredi ba go fapano, le bao

ba beetšwego go tliša se sebjalo, le ka baagišani le bagwera. A nke re hwetše ka kua, le bopaki bja—bja matšoba, le mehlare, le phadimo ya letšatši, matlakala, le—le ka godimo ga tšohle, ka Bogona bja Moya wo Mokgethwa, bjo bo hlatselago tsogo ya Kriste. “Nka se le tlogele le hloka khomotšo. Ke tla rapela Tate, gomme O tla le fa Mohomotši yo mongwe, gomme O tla dula go ya go ile.” Oo, re Mo rata bjang, Morena! Gomme re leboga bjang go Wena go Mo romela go rena, go re fa netefatšo ye e šegofetšego ka diiring le nako ya bothata.

Bjale re fe maatla bakeng sa go tla ga pele ga tirelo.

⁷³ Ke nyaka go kgopela tša go ikgetha, Morena, feela bjale bakeng sa bašemane ba ba dutšego fa ka yunifomo. Ba lehlogonolo go be bašemane bale, bjalo ka ge ba tla swanela go boela morago go direnke tša bona. Eupša ke a rapela, Morena, gore ka letšatši leo . . . Re leboga diyunifomo tše ba di aparago bjale. Eupša a nke thapelo ya mme e arabelwe: a nke ba apare bokgethwa le toko ya Jesu Kriste, mo letšatšing leo. Basetsana, le bohole mmogo, Morena, seo ke se re nyakago go ba sona, mašole a Bakriste, tumelo ya go tia ka kgontha. Re hlahle le go re šupetša go fihla letšatši leo, Morena, ge re kopana gape.

⁷⁴ Re a Go leboga bakeng sa bophelo bja gagwe bjale, le go rapela gore O tla ba le rena bohole go fihla bohole re kopana maotong a Gago. Ka go la Jesu Leina re a e kgopela. Amene. 

DITLHAGIŠO NST62-0313
(Expressions)

Molaetša wo ka Ngwanešu William Marrion Branham, setlogong o abilwe ka Seisimane ka Labobedi morago ga sekgalela, Matšhe 13, 1962, bakeng sa poloko ya Kgaetšedi Mary Bell ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org